

Održavanje fasada u Historijskom urbanom krajoliku Mostara

Â

Održavanje fasada u Historijskom urbanom krajoliku Mostara

Agencija "Stari grad" je 07.09.2023. godine donijela Odluku o pokretanju postupka javne nabave putem konkurentskog zahtjeva za dostavu ponuda za nabavu radova: Održavanje fasada u Historijskom urbanom krajoliku Mostara. Sredstva su obezbjeđena u Budžetu Grada Mostara za 2023. godinu ("Službeni glasnik Grada Mostara" broj: 7/23).

Nakon sprovedenog postupka javne nabave, Agencija "Stari grad" je 10.10.2023. godine potpisala Ugovor sa najpovoljnijim ponuđačem G.D. "Bićina" d.o.o. Mostar za obavljanje radova "Održavanje fasada u Historijskom urbanom krajoliku Mostara" u vrijednosti od 54.540,02 KM sa PDV-om.

Zahtjevom za ponudu je pokrenut postupak javne nabave usluga: "Nadzora na radovima održavanja fasada u Historijskom urbanom krajoliku Mostara. Po provedenom postupku javne nabave, Agencija "Stari grad" je 12.10.2023. godine je potpisala Ugovor sa najpovoljnijim ponuđačem ARHI PLUS d.o.o. Mostar za obavljanje usluga nadzora na predmetnim radovima u vrijednosti od 2.632,50 KM sa PDV-om.

Na osnovu Obavijesti Izvođača od 11.01.2024. godine o završetku radova, direktor Agencije "Stari grad" donosi Odluku o imenovanju Komisije za pregled izvršenih radova. Komisija je 15.01.2024. godine pregledom izvedenih radova uočila nedostatke na određenim objektima i dala rok Izvođaču da otkloni nedostatke što je i zapisnički konstatovala te radovi nisu mogli biti primljeni od strane Investitora do otklanjanja nedostataka na objektima. Izvođač radova je 14.02.2024. godine dostavio Obavijest o otklanjanju nedostataka na objektima. Komisija za pregled izvršenih radova je 15.02.2024. godine obišla izvedene radove na lokaciji i konstatovala da su radovi i predhodni nedostaci izvedeni prema obimu i ugovorenim uslovima, u skladu sa važećim tehničkim propisima, obaveznim standardima i normativima i obavezama koje proističu iz Odluke Komisije za očuvanje nacionalnih spomenika o proglašenju Historijskog urbanog krajolika Mostar nacionalnim spomenikom Bosne i Hercegovine i Zakona o prostornom planiranju i korištenju zemljišta na nivou Federacije Bosne i Hercegovine te se isti mogu primiti od strane Investitora.